

Grafaic faisnéise: easnaimh bhuiséid na mballstát

[10-10-2016 - 16:27]

Ó cuireadh tús leis an ngéarchéim eacnamaíoch san Eoraip bíonn an-phlé ar an ngá le srian a chur ar easnaimh i mbuiséid. Cé go bhfuil dul chun cinn déanta ag go leor ballstát tá go leor le déanamh fós ag tíortha eile. Rinne feisirí na heasnaimh i mbuiséid na Portaingéile agus na Spáinne a phlé sna coistí um fhorbairt réigiúnach agus um ghnóthaí eacnamaíochta an 3 Deireadh Fómhair. Pléadh cúrsaí sa Ghréig le linn an tseisiúin iomlánaigh an lá dár gcionn. Tuilleadh sa ghrafaic faisnéise thíos.

Faoi chonarthaí an Aontais Eorpaigh, agus faoin gComhaontú Cobhsaíochta agus Fáis go príomha, caithfhidh ballstáit a n-easnaimh a choinneáil faoi bhun 3% den olltáirgeacht intíre, nó caithfidh siad iarracht a dhéanamh iad a laghdú go seasmhach ar a laghad.

Ag cruinniú de chuid na gcoistí um fhorbairt réigiúnach agus um ghnóthaí eacnamaíochta an 3 Deireadh Fómhair rinne feisirí Eorpacha plé ar an bhféidearthacht le smachtbhannaí a chur ar an Spáinn agus an bPortaingéil de bharr nach bhfuil a n-easnaimh laghdaithe acu.

Chuir Comhairle an Aontais Eorpaigh [in iúl i mí líuil](#) nach raibh gníomhaíocht éifeachtach déanta ag an dá thír chun a n-easnamh iomarcach a cheartú agus go raibh easnamh suntasach san iarracht fhioscach a rinneadh le hais an méid a iarradh orthu. Bhí an Chomhairle i dteideal smachtbhannaí a ghníomhachtú faoin nós imeachta um easnamh iomarcach. I ndiaidh iarrataí ón bPortaingéil agus ón Spáinn áfach [chomhaontaigh an Chomhairle](#) gan fineálacha a ghearradh ar an dá thír. Ag cruinniú an 3 Deireadh Fómhair chuir feisirí in iúl nár chóir maoliniú AE don dá bhallstát a chur ar fionraí mar go ndéanfadh sé níos mó dochair ná maitheas.

I ndíospóireacht iomlánach leis an gCoimisinéir um Ghnóthaí Eacnamaíocha agus Airgeadais Pierre Moscovici an 4 Deireadh Fómhair, bhí easaontas i measc fheisirí na Parlaiminte faoin dul chun cinn atá déanta ag rialtas na Gréige faoin gclár coigeartaíthe eacnamaíoch. Chuir feisirí áirithe in iúl go raibh moladh tuillte ag muintir na Gréige as deileáil leis na hathchóirithe pianmhara atá ar siúl sa tír. Dúirt feisirí eile áfach nach leor iarrachtaí an rialtais.

Grafaic faisnéise

Sa ghrafaic faisnéise thusa tá sonraí faoi easnaimh agus bharrachais bhallstáit AE ó 1999. Tháinig rialacha ceartaitheacha i bhfeidhm leis an gComhaontú Cobhsaíochta agus Fáis an bliain sin.

Le méid an bholgáin léirítéar méid an easnaimh nó an bharrachais mar cheatadán den olltáirgeacht intíre. Ciallaíonn an dath gorm go raibh barrachas ag an tír, ciallaíonn an dath glas go raibh easnamh ag an tír a bhí faoi bhun 3% den olltáirgeacht intíre, agus cuirtear in iúl leis an dath dearg go raibh easnamh ag ballstát a bhí níos mó ná 3% den olltáirgeacht intíre.

[Cliceáil anseo chun an nuacht is déanaí ó sheirbhís preasa na Parlaiminte a fháil.](#)

Tuilleadh faisnéise

- Físéán de chruinniú na gcoistí um fhorbairt réigiúnach agus um ghnóthaí eacnamaíochta an 3 Deireadh Fómhair: <http://www.europarl.europa.eu/ep-live/ga/committees/video?event=201603-1800-COMMITTEE-REGI-ECON>

- Físeán den sheisiún ionlánach: <http://www.europarl.europa.eu/plenary/ga/home.html>
- Céimeanna an nós imeachta:
[http://www.europarl.europa.eu/oeil/popups/ficheprocedure.do?reference=2016/2047\(BUD\)&l=en](http://www.europarl.europa.eu/oeil/popups/ficheprocedure.do?reference=2016/2047(BUD)&l=en)